

Waxbarashada Bulshada ee Children

Kursiga kor u qaada



Muxuu yahay kursiga kor u qaada?

Kursiga kor u qaada waa kursi baabuur oo aan suun lahayn. Kursiga waa mid ilmaha kor ugu qaada si loogu xidho suunka ammaanka ee dhabta iyo garabka. Waxay carrurta kursiga noocan oo kale ah isticmaalaan marka ay ka koraan kursiga baabuurka ee ayna weli gaadhin heer ay ku isticmaalaan kursiga suunka leh ee dadka waa-weyn. Suunka kursiga ee aan ilmahaaga si fiican u qabanayn, ilmahaaga kama ilaalin karo haddii uu shil dhaco. Kursiga kor u qaada ayaa dhibaataada xal u noqon kara.

Gobolka Washington waxaa ka jira sharci carruurta ku-saabsan oo dhigaya in ilmaha lagu fadhiiso kursiga kor u qaada illaa uu ka gaadhayo 8 jir ama uu dhararkiisu noqonayo 4ft iyo 9 inji (57 inji). Mar-kasta oo ay suurtagel tahay waa in ilmaha ay da'diisu 13 jir ka yartahay la fadhiiso kursiga dambe ee gaadhiga. Abid ha isticmaalin kursiga kor u qaada ee wata suunka dhabta keliya. Waa in kursigaasi lala isticmaalo suunka dhabta iyo garabka.

Kursiga dambe ee gaadhigaygu wuxuu leeyahay suunka dhabta keliya. Maxaan samayn karaa?

Isku-day mid ka mid ah fursadahan:


- Isticmaal kursiga kor u qaada ee kursiga hore ee leh suunka dhabta iyo garabka. Illaa inta aad karaysid riix kursiga hore si aad ilmashaaga ugadurkisiid dhaash-boodhka.
- Abid ilmahaaga ha fadhiisin kursiga hore, haddii uu gaadhigaagu leeyahay kiishka hawada.
- Haddii ay qasab noqoto in uu ilmahaagu isticmaalo suunka dhabta, waa in uu ku xidho meel hoose oo miskaha ah oo si adag ah.

- Si aad fursado kale u heshid soo wac "Safety Restraint Coalition", taleefonka (425)828-8975 ama (800)282-5587 (800-Buck-L-up).


Maxay yihiin noocyada kuraasta kor-u-qaada ee la heli karo?

Waxaa jira laba nooc oo kuraasta kor u qaada ah

- Kursiga kor u qaada ee aan qaybta dhabarka lahayn waxaa loo isticmaali karaa kuraasta dambe ee leh meesha madaxa lagu tiiriyo ama kuraasta dambe ee marka la saaro kursiga kor u qaada ay qaybtooda dhabarku ay ka-sarayso dhagaha ilmahaaga.
- Kursiga kor u qaada ee qaybta dhabarka ee dheer leh waxaa loo isticmaali karaa baabuurta leh kuraasta leh ama aan lahayn meesha madaxa lagu tiiriyo.



Kursiga kor u qaada ee aan dhabarka lahayn



Kursiga kor u qaada ee dhabarka dheer leh

Aqoon dheeraad ah yeelo

- **Ciwaanka Is-bahaysiga Kursiga Kor u Qaada waa: www.boosterseat.org**
- **Is-bahaysiga "Safety Restraint" waa:**
 - **425-828-8975**
 - **1-800-282-5587 (800-BUCK-L-UP)**
 - **www.800buckleup.org**

Marka laga codsado, children waxay dhiibi doontaa oo laga heli doonaa xogtan. Fadlan soo wac (206)987-5205.

Waxaa qormadan naqtiin ku sameeyay shaqaalaha cusbitaalka children. Hase-yeeshe, baahida imahaagu waxay noqon kartaa mid gaar ah. Fadlan inta aanad xogtan dhaqan-gelin ka-hor ama inta aanad isku-halayn ka-hor, la hadal xanaameeyaha caafimaadka ee ilmahaaga.